



05. Februar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

- 1. Naalakkersuisut qanoq politikkeqarpat pinngortitami mikroplastip akiornissaanut?**
- 2. Naalakkersuisut qanoq politikkeqarpat angerlarsimaffimi pissarsianik atuinermut atatilugu mikroplastip akiornissaanut?**
- 3. Naalakkersuisut qanoq politikkeqarpat illoqarfinni nunaqarfinnilu minguviaavinnik imaluunniit imermut saliivinnik pilersitsinissamut tunngatillugu?**
- 4. Naalakkersuisut tigussaasunik sunik pilersaaruteqarpat eqqarsaatigalugu imermut saliivinnik pilersitsinissaq, angerlarsimaffinni pissarsianik atuinermersup mikroplastip pinngortitamut minngutsitsinnginnissaa pinngitsoortikkumallugu? Naalakkersuisut tigussaasunik pilersaaruteqarpat tassunga atatillugu nassuiaqquneqarpoq suliniuitit suut pineqarnersut aamma taakku suliniuitit qaqugu piviusunngortinnejassamaarnersut?**
- 5. Suliamut tunngasunik allanik soqtiginaatilinnik naalakkersuisut paasissutissiisinhaappat?**
(Inatsisartunut ilaasortaq Steen Lynge, Demokraatit)

Tunngavilersuut

Kalaallit Nunaat iliuuseqarnissaminut akisussaaffeqarpoq.

Misisueqqammernermi ilisimatuut Danmarkimi, Sverigemi aamma Norgemi universitetineersut, aamma illoqarfinni Sisimiuneersut Ny Ålesundimeersullu taamatullu qeqertani Svalbardineersut nalunaarsorsimavaat imikoq annertuumik mikroplasteqartoq.

Sisimiuni ilisimatuut misisorpaat puilasut isuini imikup kuuffiisa marluk katersuuffii imaanut anngutinnginnerminni taamatullu aamma Ulkebugtenimi. Ilisimatuut paasivaat imikumi mikroplasteqartoq annertuupilussuarmik ilaatigut angerlarsimaffinni errorsivinneersoq.

Kalaallit Nunaanni imikoq imaanut toqqaannartumik kuutsinneqartarpoo, imermut minguviaaveqanngimmat imikumik saliiviusinnaasunik taamaattumik pinngortitamut imikoq kuutsiinnarneqartarpoo. Minguviaaveqarnissaq piumasaqaataanngilaq immikkoortuni nutaani sanaartorfiusuni.



DEMOKRAATIT
DEMOKRATERNE

Mikroplast annertuuupilussuaq angerlarsimaffimmi pissarsianik atuinermeersoq imaanut kuutsiinnarneqartarpooq uumasunut ajoquataaqisumik. Tamanna naggataatigut innuttaasut peqqissusaannut sunniuteqartarpooq. Taamaattumik allanngortittariaqarparput.

Kalaallit Nunaata perruualaarutigisarpaat pinngortitaq ataqqillugu inuugatta. Pissusilersuutittali ajoraluartumik takutippaa taamaattoqanngitsoq. Kommunit tunngaviusumik pilersaarusroraangamik minguviaaviiit ilanngunneq ajorpaat, isumaqaramik "imaani sarfaq kuutsitsivissami sakkortoorujussusoq taamaasillunilu kutsitsinermi mingutsitsineq millisarneqarumaartoq." Kalaallit Nunaat akisussaaffeqarpoq aamma akisussaaffini piviusunngortittariaqarppaa pinngortitarlu eriagalugu. Taamaattumik imikumut kuuffeqarfinni imermut minguviaaveqarnissaa piumasaqaataasariaqarpoq.

Kissaatigaara apeqqutikka akineqassasut ullu tsulliviit qulit ingerlanerini.